



Sesida dals

10 d'avust 2021

Communitgà ils

13 d'avust 2021

Protocol nr.

701/2021

Dumonda Stieger

concernent il congedi da paternitad tar il chantun

Resposta da la Regenza

Tar la dumonda 1: Tenor l'art. 56 al. 1 lit. c da l'Ordinaziun dal persunal (OP; DG 170.410) importa il congedi da paternitad 10 dis e po vegnir retratg entaifer 6 mais suenter la naschientscha. Il collavuratur ed il post da servetsch fixeschan sche pussaivel consensualmain, cura e co (en in bloc u repartì sin singulas emnas u sin singuls dis) ch'il congedi da paternitad vegn retratg. Sche necessari decida il post da servetsch. El sto dentant prender resguard adequatamain sin ils giavischs dal collavuratur, sche quai è cumpatibel cun ils basegns dal manaschi (cf. conclus da la Regenza dals 25 da november 2020 [prot. nr. 949/2020]). Questa regulaziun da l'Ordinaziun dal persunal è lianta per tut l'administraziun chantunala.

Tar la dumonda 2: En la Lescha davart la relaziun da lavur da las collavuraturas e dals collavuratur dal chantun Grischun (Lescha dal persunal, LP; DG 170.400) sco er en l'Ordinaziun dal persunal na datti nagina regulaziun explicita davart la substituziun. Ella è en la cumpetenzza dals posts da servetsch. Quels decidan davart ina substituziun tut tenor ils basegns dal manaschi.

Tar la dumonda 3: Dapi che la revisiun parziala da l'Ordinaziun dal persunal è entrada en vigur il 1. da schaner 2021 han diesch collavuratur dal chantunala retratg in congedi da paternitad fin ils 5 da fanadur 2021. La Regenza parta dal fatg ch'ils congedis da paternitad vegnian retratgs senza restricziuns. L'onn 2021 han

tschintg dals diesch babs retratg lur congedi da paternitad reparti sin singuls dis, trais sin singulas emnas e dus han retratg el en in bloc.

Tar la dumonda 4: Actualmain na datti betg ina retschertga centrala davart la dumonda da la cuntentientscha dals umens pertutgads? Ina tala retschertga n'è betg prevista per il mument. Las reacziuns en ils posts da servetsch èn dentant positivs.



En num da la Regenza

Il president:

Dr. Mario Cavigelli

Il chancelier:

Daniel Spadin